



BOSNIA AND HERZEGOVINA
MINISTRY OF FOREIGN TRADE AND
ECONOMIC RELATIONS

Broj: 07-3-02-1554- 2 /16
Sarajevo, 20.06.2016. godine

Na osnovu člana 64. stav (1) tačka b), člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14), a u vezi sa članom 5. stav (2) tačka f) Pravilnika o uspostavljanju i radu komisije za nabavke („Službeni glasnik BiH“, broj 103/14) i članom 61. stav 2. Zakona o upravi („Službeni glasnik BiH“, br. 32/02 i 102/09), Ministar vanjske trgovine i ekonomskih odnosa Bosne i Hercegovine, je donio

O D L U K U

**o izboru najpovoljnijeg ponuđača
u predmetu nabavke usluge angažovanja eksperata/ocjenjivača u procesu priznavanja
dokumenata i znakova usklađenosti izdatih u inostranstvu za tehničke industrijske proizvode**

I.

Ovom Odlukom, na prijedlog Komisije za javne nabavke Ministarstva vanjske trgovine i ekonomskih odnosa BiH, dodjeljuje se ugovor ponuđaču: Javna ustanova Intitut za urbanizam, građevinarstvo i ekologiju Republike Srpske (IUGERS), ul. Save Mrkalja 16, 78000 Banja Luka, koji je ponudio najnižu cijenu ponude za nabavku usluge angažovanja eksperata/ocjenjivača u procesu priznavanja dokumenata i znakova usklađenosti izdatih u inostranstvu za tehničke industrijske proizvode u konkurentskom postupku javne nabavke.

II

Ponuđač iz člana I. ove Odluke dostavio je najpovoljniju ponudu, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama u iznosu od **210,00 KM**, sa uračunatim popustom i PDV-om za sva četiri LOT-a.

III

Za realizaciju ove Odluke zadužuje se Sektor za pravne i opšte poslove Ministarstva vanjske trgovine i ekonomskih odnosa Bosne i Hercegovine.

IV

Ova Odluka stupa na snagu danom donošenja.

O b r a z l o ž e n j e

Ministarstvo vanjske trgovine i ekonomskih odnosa Bosne i Hercegovine (u daljem tekstu: Ministarstvo) je dana 19.05.2016. godine, Odlukom broj 07-3-02-1554/16, pokrenulo konkurentski postupak za nabavku usluge angažovanja eksperata/ocjenjivača u procesu priznavanja dokumenata i znakova usklađenosti izdatih u inostranstvu za tehničke industrijske proizvode i isti je, dana

01.06.2016. godine, pod brojem 673-7-2-2-3-1/16, objavljen na portalu javnih nabavki Agencije za javne nabavke BiH.

U ostavljenom krajnjem roku za dostavljanje ponuda Ministarstvo je zaprimilo dvije blagovremene ponude sljedećih ponuđača:

1. **IUGERS** Banja Luka, vrijednost ponude 210,00 KM sa uračunatim popustom i PDV-om; za sva četiri LOT-a
2. **ZIK** Mostar vrijednost ponude 446,94 KM sa uračunatim popustom i PDV-om; za sva četiri LOT-a

Prema izvještaju Komisije za javne nabavke Ministarstva (u daljem tekstu: Komisija), broj KJN-interno/16 od dana 13.06.2016. godine, obje dostavljene ponude ispunjavaju formalnopravne i tehničke uslove navedene u tenderskoj dokumentaciji i smatraju se prihvatljivim.

Shodno navedenom, Komisija je, prema utvrđenom kriteriju najniže cijene, dala preporuku da se u predmetu nabavke usluga angažovanja eksperata/ocjenjivača u procesu priznavanja dokumenata i znakova usklađenosti izdatih u inostranstvu za tehničke industrijske proizvode donese odluka o izboru najpovoljnijeg ponuđača, te da se dodijeli ugovor ponuđaču „IUGERS“ Banja Luka čija cijena ponude iznosi 210,00 KM sa uračunatim popustom i PDV-om.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove odluke može se u pisanoj formi izjaviti žalba najkasnije u roku od 5 dana po prijemu odluke. Žalba se podnosi Ugovornom organu.


MINISTAR

Mirko Šarović

Dostaviti:

- ponuđačima
- Sektoru za pravne i opšte poslove
- a/a